

Grupo San Dominico Noord ta invita bo pa bin rescata nos norma & valornan Diasabra 13 September

STA. CRUZ -- Grupo San Dominico (GSDN) ta gradici tur instancia cu di un of otro manera a contribui, incl ATHA pa e sosten ricibi pa a ehecuta nos Plan vakashonal 2008, cu tawata uno hopi educativo, caminda cu nos miembronan por a siña, hunga y goza di nan vakantie aki na Aruba mes. Un danki ta bai tambe na tur e mayornan cu a coöpera y ta pone nan confianza den e equipo di lidernan di GSDN pa e programa por ta un exito, pasobra sin mucha no por tin programa. Despues di 3 siman di estudio di e lidernan jen di energia ta anuncia na tur nos miembronan cu nos ta reanuda nos bijeenkomstnan DIASABRA 13 DI SEPTEMBER SEGUN E ORARIO NAN NORMAL DI CADA SECCION:

- * Bevers (mucha homber entre 5 y 7 aña) ta cuminsa mainta, di 10.00 am pa 12.00 pm.
- * Welpnan (mucha homber entre 7 y 11 aña) ta cuminsa media di 3.00 pm pa 5.00 pm.
- * Verkenner (hobennan masculino entre 11 pa 15 aña) mesun ora cu e welpnan di 3.00 – 5.00.

* Explorer e Hobennan (masculino di 15 pa 18 aña) ta cuminsa di 5.00 pm pa 7.00 pm. Nos ta haci un recordatorio na tur e verkenner- y explorernan cu ta interesa pa siña toca drumband cu training di drumband ta di 12.00 pm – 2.00 pm. Otro aña 04 di Mei Grupo San Dominico Noord lo celebra 30 aña di Existencia, desde cu el'a wordo re-funda na 1976. Den cuadro di preparacion pa e celebracion aki GSDN a skohe un thema cu nan lo efoca durante September te na e celebracion na Mei 2009. E thema ta : BO TA CLA PA RESCATA NOS NORMA & VALORNAN? E tema aki ta bay ta parti den e promer 4 fase cu ta :

- Den luna di September nos lo trata: Kico ta norma y valor?
- Den luna di Oktober nos lo busca na unda nos norma y valornan ta?
- Den luna di November nos lo trata: Con nos por hañanan bek? Y nos lo clausura aña 2008 ta buscando nos Norma & valornan perdi. Si bo sa bo norma di valornan nos ta warda bo pa yuda nos rescata nan y si bo no sa kico

ta nos norma y valornan nos ta invita bo pa bin hunto nos rescatanan. Tur mayor di nos miembronan ta keda invita pa atende nos reunion pa mayornan dialuna 22 di September pa un reunion caminda nos lo presenta nos concepto di plan pa hunto concretiza nos plan di grupo September 2008 – Mei 2009 cu tur nos atencion ariba "rescata nos norma y valornan". Education ta cuminsa na cas y scouting ta un methodo educativo banda di skol cu ta sostene e mayornan den education di nan yiunan usando e methodo cu Lord Baden

Powell, fundador di Scouting, cu 101 aña pasa cu resultado tur parti di mundo. GSDN ta invita tur mayor di bario di Noord pa pasa ariba veld pariba di St. Anna/ St. Aloysius School pa busca mas informacion di con pa hinca nan yiunan den Scouting. Of por tuma contacto cu nos lidernan : Akela Sharlyn Tromp-Farro, Lider di e grupo na kas 586-3396 Cel 565-3019, Hopman Ruben Sprok, lider di Troep na 593-4108 Akela Marie-Lus Sprok lider di Horde na 566-1353, Rainbow Adelin Trimon Geerman lider di Kolonie

na 564-8989. Noord ta un distrito cu su historia. Grupo San Dominico ta forma parti di Noord su historia di a forma parti den desaroyo di homber cu a logra metanan grandi pa Aruba y den mundo. Nos ta invita tur mayor pa bin forma parti di e famia di Grupo San Dominico pa hunto nos guia nos hoben ariba e caminda pa exito den hombernan balente cu respet, disciplina y segur di nan mes pa nan por enferenta tur e barancanan cu nan ta encontrando den nan caminda. BO TA CLA PA RESCATA NOS NORMA & VALORNAN??

